



Agencija za razvoj visokog obrazovanja AKREDITACIJU TREBA EFIKASNO PROVESTI

Predstavnici Agencije za razvoj visokog obrazovanja i osiguranja kvaliteta BiH, te međunarodni eksperti u oblasti osiguranja kvaliteta u visokom obrazovanju sastali su se sa pomoćnicima ministra za informatizaciju obrazovanja i nauke, te visoko obrazovanje i nauku Kantona Sarajevo Azeminom Njuhović i Sifetom Kukuruzom. Razgovarano je o procesu akreditacije studijskih programa na visokoškolskim ustanovama s područja Kantona Sarajevo, te istaknuta neophodnost intenzivnije saradnje između svih institucija koje sudjeluju u provođenju procesa akreditacije studijskih programa.

Naglašeno je i da je neophodno provođenje prethodnih konsultacija predstavnika nadležnih obrazovnih vlasti sa predstavnicima visokoškolskih ustanova na području KS-a, kako bi se proces programske akreditacije proveo na efikasan i uspješan način.

Međunarodni eksperti u oblas-



ti osiguranja kvalitete u visokom obrazovanju su tokom sastanka prezentirali svoja iskustva u vezi sa provođenjem programske akreditacije i u tom smislu zaključeno je da bi Agencija za razvoj visokog obrazovanja i osiguranje kvaliteta BiH trebala u saradnji sa međunarodnim ekspertima te visokoškolskim ustanovama i predstavnicima nadležnih obrazovnih vlasti u BiH organizirati se-

riju radno-konsultativnih sastanaka na kojima bi se potpunijem osvjetlio proces programske akreditacije te uloga, odnosno pozicija, svih subjekata uključenih u proces. Na kraju, iskazano je očekivanje da će proces programske akreditacije na svim visokoškolskim ustanovama na području Kantona Sarajevo biti uspješno proveden kao i proces institucionalne akreditacije.